

ՄՈՎԱԿԱԼ ՍԵՐԵՐՐՅԱԿՈՎԸ Ի. Ս. ԻՍԱԿՈՎԻ ԳԵԱՀԱՏՄԱՄԲ

Ա. Ա. ՀԱՐՈՒԹՅՈՒՆՅԱՆ

Սովետական Միության նավատորմի ծովակալ Իսակովն ամենայն իրավամբ համարվում է ռազմածովային նավատորմի պատմության խոշոր մասնագետներից մեկը: Նրա անվան հետ է կապված ռազմածովային նավատորմի պատմությունն ուսումնասիրող մի շարք պաշտոնական օրգանների, հանձնաժողովների, խմբագրությունների, հեղինակային կոլեկտիվների կազմակերպումը: Ինքը՝ Իսակովը, միայն կազմակերպիչ կամ խմբագիր չէր: Նա հանդես էր գալիս նաև որպես հեղինակ, գիտության անխոնջ մշակ՝ բառի ամենախսկական իմաստով: Այդ են վկայում նրա հարուստ անձնական արխիվի հարյուրավոր վավերագրերը, նրա թողած գրական հարուստ ժառանգությունը:

Իսակովի գիտահետազոտական բուռն գործունեության լավագույն էջերից է նրա համառ աշխատանքը՝ վեր հանելու պատմական ճշմարտությունը ռուսական նավատորմի անվանի գործիչներից մեկի՝ հայտորդի ծովակալ Լադր Մարկովիչ Սերերրյակովի մասին:

Կարելի է ենթադրել, որ զբաղվելով Սերերրյակովի գործունեության ուսումնասիրությամբ, Իսակովը ցանկություն է ունեցել ցույց տալու, որ ինքը միակ ծովակալը չէ հայերից, որ անցյալում ևս հայ ժողովրդի զավակներից շատերն իրենց ընդունակությունները դրսևորել են ռազմածովային գործում: Այլ կերպ ասած, Իսակովն իր նախորդողներին էր որոնում: Ձայնտը է մարի և չի կարող մարել այն մարդկանց սուրբ հիշատակը, գրել է Իսակովը, ովքեր իրենց կյանքը զոհաբերեցին հեղափոխության համար, սոցիալիստական Հայրենիքի և ամբողջ մարդկության լուսավոր ապագայի համար: Բայց հիշելու համար հարկավոր է գիտենալ: Դրանից բացի, գոյություն ունի նաև հարյանքի ու սիրո պարտք նրանց նկատմամբ... Մեր այդ պարտքը ամենից առաջ պետք է արտահայտվի նրանով, որ հնարավորության չափ ավելի լավ ու շատ ուսումնասիրենք նրանց կյանքն ու գործունեությունը¹:

Ահա այդ տեսանկյունով մոտենալով հարցին, Իսակովը առաջինը նկատեց, որ ռազմածովային նախորդ գործիչներից ու հայրենական նավատորմի ևրախտավորներից Սերերրյակովը համարյա մոռացության է մատնված, որ նրա ծառայությունների մասին գրեթե չի նշվում ռազմածովային ուղևորությանը նվիրված գրականության մեջ:

Իսակովն ամենից առաջ դիմել է արխիվային վավերագրերին: Իր մտերիմ ու բարեխիղճ ընկերներից մեկի՝ ղնդապետ Ալիխովի միջոցով Իսակովին հաջողվել է վեր հանել մի քանի տասնյակ վավերագրեր ու արխիվային նյութեր, ինչպես նաև ի մի հավաքել ժամանակի մոմուլի էջերում Սերերրյակովի տույա-

¹ Ա. Մ ա լ խ ա ս յ ա ն, Սովետական բանակի հայ դործիչները, Հայպետհրատ, Սրեան, 1963, էջ 6:

լիազորություններով՝ կայսրի կողմից բանակցություններ էր վարում թուրքական սուլթանի և Նգիպտոսի փաշայի հետ: Այդ առաքելության կատարման համար նա Սևաստոպոլից ուղևորվում է Կոստանդնուպոլիս, իսկ այնտեղից՝ Ալեքսանդրիա և 1833 թ. վերադառնում Պետերբուրգ: Սերբերյակովը մասնակցությունն այդ ուղևորությանը և տեղի ունեցած բանակցություններին բավական մեծ նշանակություն է ունենում նրա հետագա պետական-զինվորական գործունեության համար: 1833 թ., որպես ազնիվ և վստահությանը օժտված զինվորական, Սերբերյակովը նշանակվում է ռուսական զորքերի ձամբարի օրեր-գեվալդիգեր (հատուկ գումարների և թանկարժեք նվերների, ունեցվածքի պահպանման տնօրեն): Նրա գլխավորությամբ միաժամանակ արտակարգ միջոցներ են իրագործվում խոլերայի համաճարակի դեմ պայքարելու համար: Ռուսաստանում և Թուրքիայում խոլերայի տարածման դեմ արդյունավետ պայքար մղելու համար Սերբերյակովը սուլթանի կողմից պարգևատրվում է մեդալով, իսկ Նիկոլայ I նրան շնորհում է երկրորդ կարգի կապիտանի աստիճան:

1834 թ. «Իծոր» ռազմականի վրա Սերբերյակովը Պետերբուրգից մինչև Մեմել ուղեկցում է գերմանական փոխարքա Ֆրիդրիխ Վիլհելմին: Այդ թվականին էլ նա նշանակվում է «Պոլտավա» նավի հրամանատար և երթևեկում Բալթիկ ծովում: 1835 թ. Սերբերյակովը պարգևատրվում է Սուրբ Ստանիսլավի III աստիճանի շքանշանով, իսկ 1836 թ., որպես նավախմբի հրամանատար, իրականացնում է զորքերի փոխադրումները Սվեաբորգից Կրոնշտատդ և հակառակ ուղղությամբ, մասնակցում «Պետրոս Մեծ» նավը ծով իջեցնելու հանդիսավոր արարողությանը:

1837 թ. սկզբից Սերբերյակովը կրկին Կովկասում է, որտեղ ռուսական բանակը լայն գործողություններ էր ծավալում Սև ծովի արևելյան ափերը նվաճելու համար: Սերբերյակովը սկզբում նշանակվում է ռուսական կովկասյան զորքերի գլխավոր հրամանատար, գեներալ-լեյտենանտ Վելյամինովի շտաբի հերթապահ: Ապա նրան է հանձնարարվում լեռնականների դեմ ուղարկվող ծովային ջոկատների առաքումների հսկողությունը: Ցուցաբերած բացառիկ կազմակերպական կարողությունների համար ապրիլի 18-ին Սերբերյակովը ստանում է առաջին կարգի կապիտանի կոչում, միաժամանակ, հաշվի առնելով նրա 25-ամյա ծառայությունը ռուսական ռազմածովային նավատորմում, պարգևատրվում Սուրբ Գեորգիեյան IV կարգի շքանշանով:

1838 թ. ռուսական ծովային ու ցամաքային զորքերը գրավում են Սոչի, Տուապսե, Շապսուխ առափնյա բնակավայրերը՝ հաղթահարելով մեծ դժվարություններ և ճակատամարտելով լեռնականների դեմ, որոնց օգնում էին Թուրքիան և Անգլիան: Այդ մարտերում քաջագործություններով աչքի ընկած Սերբերյակովին բարձր հրամանատարությունը պարգևատրում է ոսկե սրով՝ «Քաջության համար» մակագրությամբ: Հոկտեմբերի 3-ին Սերբերյակովը ըստանում է փոխծովակալի կոչում և պարգևատրվում Սուրբ Վլադիմիրի III աստիճանի շքանշանով:

Հաշվի առնելով պետական-ռազմական ու տնտեսական աշխատանքների ասպարեզում և Սերբերյակովի դրսևորած արտակարգ ընդունակությունները, 1839 թ. ապրիլի 19-ին քառասունյոթամյա փոխ-ծովակալը նշանակվում է նովորոսիյսկի նավահանգստի պետ: Միաժամանակ նրան է վստահվում սևծովյան ափերի պաշտպանության առաջին բաժնի պետի պատասխանատու:

պաշտոնը։ Այդ ժամանակ Նովորոսիյսկը փաստորեն քաղաք չէր և անտեղ նավահանգիստ դեռևս գոյություն չուներ։ Մինչև 1850 թ., մոտ 10 տարի, իրեն վստահված պոստում կայր Մարկովիչը չավալում է բեղուն և բազմակողմանի գործունեություն, որով դգալիսինն նպաստում է Ռուսաստանի դիրքերի ամրապնդմանը։ Սև ծովի արևելյան ափերին։ Շնորհիվ իր վարչական ունակությունների նա կարողանում է ներքին կարգ ու կանոն ստեղծել այդ վայրերի բաղմադդ ժողովուրդների մեջ՝ կաղմակերպելով մատակարարման, բուժօգնության, հաղորդակցության գործն այն ժամանակվա դժվարին պայմաններում։ Պատահական չէ, որ Սևրերրյակովն այդ տարիներին պարգևատրվում է Սուրբ Ստանիսլավի և Սուրբ Աննայի I աստիճանների, Սուրբ Վլադիմիրի II աստիճանի և Սղիտակ արծիվի շքանշաններով։ Նրան շնորհվում է վիցե-ծովակալի ռաղմական բարձր կոչում։

1851 թ., կայսերական հրամանով, Լ. Մ. Սերերրյակովը նշանակվում է ամբողջ սեծովյան ափերի պաշտպանության պետ։ Դա արտակարգ մեծ վրստահություն էր մի հայ ծովակալի նկատմամբ՝ նիկոլաեյան միապետության օրոք։ Շուտով Սերերրյակովի ծառայությունները նշվում են մի նոր բարձր տարգեղով՝ «Ալեքսանդր Նևսկու» շքանշանով։

1854 թ., Ղրիմի պատերաղմի ծանր պահին, Սերերրյակովը հմտությամբ իրագործում է սպառնալիքի տակ գտնվող ռեծովյան ափերի կայադորների Լվակուացիտն՝ Նովոտորոիցկիի, Տենդինի, Վելյամինովի, Գոլովինի և Նավադենի շրջաններից։ Նա պարգևատրվում է ոսկե ծխատուփով՝ կայսրի դիմանկարով։

1856 թ. հունվարի 23-ին Սերերրյակովը նշանակվում է Կայսրության ծովակալության անդամ։ Նրան շնորհվում է ռուսական նավատորմի ծովակալի ռաղմական բարձր կոչում, արժանանում է չորս շքանշանների։

Սերերրյակովը վտիճանվեց 1862 թ. փետրվարի 28-ին՝ յոթանասուն տարեկան հասակում։

XIX դ. երկրորդ կեսին Սերերրյակովի գործունեության մասին լույս են տեսել մի շարք հոգովածներ ու հաղորդումներ։

Ձեռնամուխ լինելով Սերերրյակովի կյանքի ու գործունեության ուսումնասիրությանը, Ի. Ս. Իսակովը առաջ քաշեց այն պարզ ճշմարտությունը, որ չի կարելի Սերերրյակովին անջատել իր շրջապատից ու իր մյուս մարտական ընկերներից, որ հիմք չկա շեղում կատարել, ասենք, Նախիմովի ու Լադրեի նկատմամբ ունեցած մոտեցումից՝ Սերերրյակովին գնահատելու ժամանակ։ Սակայն կա ավելի վճռական նշանակություն ունեցող հանգամանք, որ իրավունք էր տալիս Իսակովին անհաշտ ու հետեղական դիրք գրավելու Սերերրյակովի ծառայությունները դրականորեն գնահատելու հարցում։ «Սովետական պատմագրությունը,— գրում է Իսակովը,— մարքսիստական մեթոդոգիային համապատասխան, փաստերը, իրադարձությունները և մարդկանց դնահատում է ինելով պատմական կոնկրետ պայմաններին»²։

Իսակովը ցույց է տալիս Սերերրյակովի եռանդուն գործունեությունը Թուրքիայի դեմ ռուսական բանակի մղած պատերաղմներում։ Այդ պատերաղմների գլխավոր նպատակն էր Կովկասից դուրս շարտել անգլիացիներին ու թուր-

² Տե՛ս շՍՍ2 շՍՍԳԿԱ, Իսակովի անձնական արխիվ, Ալիխովին դրած նամակը 14. 3. 1964 թ.։

քերին, և նա, ով օգնել և նպաստել է այդ պատմական իրադարձությանը, ըստ իսակովի. «արժանի է մեր շնորհակալությանն, ինչպես ռուսների կողմից, նույնպես նաև տեղական այն բնակիչների և նրանց հետնորդների կողմից. որոնք մնացել էին իրենց հայրենի հողի վրա...»³։ Մեթոդոլոգիական այս դիրքերից իսակովը բնութագրում է Սերբերյակովի գործունեության առանձին էտապները։

1955 թ. իսակովը մի շարք նամակներ է ուղարկում ամենատարբեր հասցեներով, նպատակ ունենալով նոր տեղեկություններ քաղել Սերբերյակովի ազգականների մասին։

Ահա մի քանի տող այդ նամակներից.

«Հարգելի ընկեր։

1853—56 թթ. Ղրիմի («Արևելյան») պատերազմի ժամանակ Կովկասյան ափերի պաշտպանության կազմակերպման գործում զգալի գեր է խաղացել ծովակալ Լազր Մարկովիչ Սերբերյակովը, որը սեծովյան ափերի պաշտպանության հրամանատարն էր։

Արխիվների ուսումնասիրությունը ցույց է տալիս, որ նա ռազմական ու վարչական մեծ գործիչ էր, ուներ որոշակի ծառայություններ, որոնք ոչ արդարացի կերպով մոռացության են տրվել մեր պատմաբանների կողմից։

Հավաքված է հարուստ պաշտոնական նյութ՝ սկսած նավատորմում նրա ծառայության սկզբից, սակայն համարյա տեղեկություն չկա նրա ընտանիքի, պատանեկան տարիների և անձական կյանքի մասին։

Ես շատ պարտական կլինեմ Ձեզ, եթե հնարավոր համարեք հայտնել, թե ի՞նչ է Ձեզ հայտնի Լ. Մ. Սերբերյակովի, նրա ընտանիքի ու սերնդի մասին, օգտագործման համար ներկայացնեք նամակներ, լուսանկարներ կամ ուրիշ վավերագրեր, որոնք կարող են օգնել գրելու նրա կենսագրությունը (բոլոր նյութերը կվերադարձվեն, իսկ հրապարակելու դեպքում կնշվեն աղբյուրները), կամ թե ցույց տաք նրանց ազգանուններն ու հասցեները, որոնք կարող են օգնել նյութեր հայտնաբերելու գործում։

Տեղեկանք— Լ. Մ. Սերբերյակովը հայ է, ծնվել է Շուշտ կամ Նուխա քաղաքում... վախճանվել է 1862 թ. մարտին։ Լազր Մարկովիչի տղան զոհվել է Սևաստոպոլի պաշտպանության ժամանակ։

Պատասխանը խնդրում եմ ուղարկել Մոսկվա Դ—99, Սմոլենսկայա նախկինայա, տ. 5, բն. 120, իսակով Իվան Ստեփանի։

Շատ երախտապարտ կմնամ օգնության համար։

Պրոֆեսոր Իսակով⁴։

Երբ իսակովն իմանում է, որ Նովորոսիյսկի քաղաքային թանգարանում ներկայացված են ծովակալների Լազրևի և Ռաևսկու նկարները, իսկ քաղաքի հիմնադիր Սերբերյակովի նկարը չկա, նա ըմբոստանում է դրա դեմ։

Ինչ վերաբերում է Նովորոսիյսկի հիմնադրմանը, ապա այստեղ Իվան Ստեփանիչը անհերքելի փաստերի հիման վրա ապացուցում է, որ քաղաքի հիմնումը ըստ էության կապված է Լ. Մ. Սերբերյակովի անվան հետ։ Նախ, պրոֆ. Իսակովը,— Յիմասյի ծովախորշի մոտ մինչև 1812 թ. եղել են մի

³ ՀՍՍՀ ՀԱՄԵՊԿԱ, իսակովի անձնական արխիվ։

⁴ Три письма И. С. Исакова А. И. Алехову от 14.3.1964 г. ЦГАОРСС Арм. ССР, ф. Исакова.

բանի առյուծկեր, իսկ Սուջուկ-Ղուլալ ամրոցը թուրքերը բարուքանդ էին արել։ Նա գիտնում է «Ջինվերական հանրագիտարանին» և մեջբերում կատարում «Նովորոսիյսկ» բառահոգովածից⁵։

Երբ նիկովայ I հրամանի համաձայն Մենշիկովը Սերերբյակովին նշանակում է ծովամինյա պաշտպանության բաժնի պետ, վերջինս 1839 թ. մարտի 5-ին Սանկտ-պետերբուրգ է ուղարկում հատուկ ղեկուցագիր՝ «Նորին մեծության հրամանով, որի մասին ինձ հայտնեց պարոն ռազմական մինիստրը ս. թ. փետրվարի 21-ին իր № 113 պրոթյասը, մեկնում եմ որպես նովորոսիյսկի ամրության և նրա մոտ կառուցվող նավահանգստի պետ»։ Դրանից շորս ամիս հետո, Մենշիկովին դրած ղեկուցադրում Սերերբյակովը հանգամանորեն նկարագրում է այն միջոցառումներն ու կոնկրետ աշխատանքները, որոնք կապված են նովորոսիյսկ քաղաքի, նրա նավահանգստի, ամրության շրջանների, մատույցներն ապահովող ճանապարհների կառուցման հետ։ Ըստ որում Սերերբյակովին իր ղեկուցագրի վերջում նշում է պրոթյան վայրը և տարեթիվը՝ Յեմսի ճամբար, 6 հուլիսի 1839 թ.⁶ Դա ևս ապացուցում է, որ 1839 թ. նովորոսիյսկ քաղաք և նավահանգիստ չի եղել, այլ գոյություն ունեւր միայն ոչ մեծ ճամբար։ Փաղաքը, նավահանգստի և ամրոցների սխտեմը կառուցվել են Սերերբյակովի ղեկավարությամբ՝ ավելի քան 16 տարի շարունակ։ Նա ակտիվորեն պայքար է կազմակերպել ընդդեմ թուրքական ծովահենության, որի նպատակն էր լեռնային ժողովուրդների հաշվին անդլիացիների միջև ստրկավաճառության միջնորդի պեր կատարել⁷։ «Եթե որեւէ մեկը, — այդ առթիվ դրում է Իսակովը, — մյուս «ոռակցիոն» ղեներալներից ավելի շատ բան է արել ստրկավաճառությանը և անդլիական ղիվերսիան արգելակելու համար, ապա այդ եղել է հենց Սերերբյակովը»⁸։

Իսակովը մանրամասն նյութեր է ժողովել Սերերբյակովի մարտական քաջագործությունների, քաղաքացիական արիության, ծովային և ցամաքային զորքերի մարտական զործողությունների համագործակցության կազմակերպման, նրա հմտությունների, Սև ծովի ափերից դեպի Հյուսիսային Կովկաս՝ լեռներով, անտառներով, անանցանելի ճանապարհներով նրա կազմակերպած էքսպեդիցիայի մասին, ինչպես նաև տեղական բնակչության հետ առևտրի կազմակերպման ու նրանց նկատմամբ չափավոր քաղաքականություն վարելու առաջարկներ մշակելու նախագծերի մասին։ Նա ղինված ուժը չի համարել միակ միջոցը Կովկասը Ռուսաստանին միացնելու գործում։

«Ռուսկի արխիվի» էջերում ժամանակին հրատարակված նյութերը հաստատում են, որ Սերերբյակովի նախաձեռնությամբ նովորոսիյսկում դպրոց է բացվել չերկեսների հրեխաների համար⁹։ Անկախ այն բանից, թե այդ դպրոցում ի՞նչ առարկաներ են դասավանդվել և ի՞նչ մակարդակով, վերջին հաշվով լուսավորություն, դրագիտություն տարածելը պետք է դիտել որպես դրական երևույթ։

Մովակալ Իսակովը բացահայտում է նաև Սերերբյակովի անձնական քաջությունն ու խոշոր ծառայությունը Կովկասյան ղխավոր լիւնաշղթայով անց-

⁵ Տե՛ս «Восточная энциклопедия» (1914, т. 17).

⁶ ЦГЛ ВМФ СССР; отдел письма д. 209, лл. 26—29.

⁷ «Морской сборник», 1865 г., № 6, стр.

⁸ ЗУУЗ 220640, Իսակովի անձնական արխիվ։

⁹ «Русский архив», кн. 1889, т. 6, стр. 378.

նող մի շարք ճանապարհների և մի շարք վայրերի ու ժողովուրդների կենցաղի նկարագրման գործում:

Ղրիմի պատերազմից երկու տարի առաջ, իմանալով վրաստան ու Հյուսիսային Կովկաս թափանցելու նպատակով թուրքերի դեպի Սուխում շարժվելու մտադրությունների մասին, Սերբերյակովն իր սեփական կամքով ու նախաձեռնությամբ՝ ձիով, փոքր ջոկատի ուղեկցությամբ անցնում է Կովկասյան գլխավոր լեռնաշղթան, լինում թշնամարար տրամադրված ցեղերի մոտ: Հասնելով Յերեդա, նա արձակում է ուղեկցող 20 կոզակներին, որոնք շատ դժվարությամբ էին առաջ շարժվում, և ինքը շարունակում ուղևորությունը և երկու տեղագիրների միջոցով առաջ է տանում նախարյան ու Մարուխյան լեռնանցքների տեղագրությունը: Այնուհետև լինելով նաև Կուրանում, նա հանգամանորեն զեկուցագիր է ներկայացնում ցարին: Հետագայում Սերբերյակովը ժողոված նյութերի հիման վրա «Մորսկոյ սբորնիկ» հանդեսում հանդես է գալիս ընդարձակ հոդվածով¹⁰: Իսակովն այդ փաստը բնորոշում է հետևյալ կերպ. «Դա իր պարտքի այդքան բարձր գիտակցման և հայրենասիրության հազվագյուտ դեպք է՝ ծովայինը ձիով վրա անցնի ձյունապատ Կովկասյան գրեխավոր լեռնաշղթան»¹¹:

Ուշադրության է արժանի նաև այն հանգամանքը, որ Սերբերյակովը, լինելով գործող բանակում, իր լուրջ ծառայությունների համար ընտրվում է ռուսական աշխարհագրական ընկերության անդամ: Դա ցույց է տալիս, որ զիտական բարձր շրջաններում Սերբերյակովը մեծ կուլտուրայի և բազմակողմանի գիտելիքների ունեցող, զարգացած մարդու համբավ ուներ:

Սերբերյակովի կերպարի բնորոշման հարցում չափազանց կարևոր է նրա և իր որդու՝ Մարկ Սերբերյակովի միջև տեղի ունեցած նամակագրությունը Ղրիմի պատերազմի ժամանակ: Պատերազմի ծանր օրերին կապիտան-լեյտենանտ Սերբերյակովը ծառայում էր Կերչի շրջանում, առևտրական նավի վրա և անմիջական մասնակցություն չունենալով Սևաստոպոլի շրջանում ծավալված մարտական գործողություններում: Սակայն նա ոգով կովոդների շարքում էր և ամեն կերպ ձգտում էր գործող զորամաս փոխադրվել: 1854 թ. նոյեմբերի 11-ին հորը գրած նամակում նա հետևյալ կերպ է պատճառաբանում իր խնդիրը. «...Մեր ընկերները հազարներով զոհվում են, թշնամու կրակից ու ռումբերից, վշտալի է կարգալ բոլոր սարսափների, մեր արիության ու փորձությունների մասին և ներկա ժամանակում նստել Կերչում, ոչինչ չանելով: Ինչպիսի ելք էլ որ ունենա մեր գործը, միևնույն է ծանր զգացումը ամբողջ կյանքիս ընթացքում կրծելու է իմ խիղճը: Եթե աստված օգնի մեզ հաղթելու թշնամուն, ապա խիղճս տանջելու է, որ չեմ մասնակցել մեր նավատորմի այդ փառավոր գործերին, իսկ եթե թշնամուն հաջողվի մեր քաջերի դիակների վրոյով գրավել Սևաստոպոլը, ապա այդ դեպքում ևս ինձ երբեք չեմ ների, որ այդ ժամանակ ոչինչ չեմ արել, այլ նստել եմ Կերչում: Խնդրում եմ Ձեզ, իմ բարի հայրիկ, թույլ տալ նավը հանձնել որևէ մեկին, իսկ ինձ մեկնել Սևաստոպոլ:

¹⁰ «Морской сборник», № 6, 1865 г., «Дорога из Сухуми к Кубани через главный Кавказский хребет».

¹¹ Տե՛ս ՀՍՍՀ ՀՄԾՊԿԱ, Իսակովի անձնական արխիվ, Սերբերյակովի գործը:

և՛ ինչ որ, և՛ թուրքեր, որ ևս այս անում և՛ ելնելով փառասիրությունից, որպեսզի ստանամ որևէ խաչ կամ աստիճան, ապա դուք, սիրելի հարիկ, սխալվում եք. ևս միայն ցանկանում եմ մասնակցել այդ գործին և բաժանի՜ իմ ընկերների ճակատագրերը, ուստի աղաչում եմ ձեզ, հարիկ, շնորհել ինձ»¹²։

Կադիտան Մ. Լ. Սերբերյակովը շուտով մեկնում է Սևաստոպոլ և հերոսաբար մասնակցում թշնամու դեմ մղվող անհավասար մարտերին։ Իր մարտական գիրքերում և, ծանր վիրքեր ստանալով, նա զոհվում է ռուսական ռազմական պատմության այդ ամենափառավոր ճակատամարտերից մեկում։ Որոշ ժամանակ հայրը տեղյակ չէր որդու մահվան մասին. նա իր պաշտոնական պարտականություններն էր կատարում սեծովյան արևելյան ափերի պաշտպանության կազմակերպման ուղղությամբ։

Հերոս ծովակալ Նախիմովը, որն անսահման հարգում և սիրում էր վիցե-օպոտկալ Սերբերյակովին, խղճի ծանր զգացումով հատուկ նամակ է գրում Է. Սերբերյակովին՝ հաղորդելով որդու մահը։ Ահա մի քանի քաղվածքներ այդ նամակից։ «Պարտի սուրբ զգացման և աղգակը որ ընկած է ամեն մի ռուս մարդու և հատկապես ծովայինի հոգու խորքում, Դուք ոգեշնչել եք նրան (իմա՝ ձեր որդուն — Ա. Հ.) դեպի սխրագործություն, որի համար նրան դեռևս մանկուց ովևորիչ օրինակ է ծառայել իր հոր գործերը։ Դուք սրբությամբ վստահել եք նրան Ձեր պարտականությունը և նա պատվով է կատարել իր պարտքը։ Երան, որպես մի այնպիսի ուղայի, որի նմանը հիշտ չէ գտնել Սևաստոպոլում, հանձնարարված էր պատվավոր պաշտոն... հակել մեր ղորքերին թշնամու անակնկալներից և այդ է եղել նրա ցանկությունը։ Ամեն գիշեր գտնվելով պեղակների հիդիդի տակ, նա ոչ մի րոպե չէր մոռանում իր պարտականության կարեորությունը և ստավտները կարող էր հպարտությամբ զեկուցել, որ իր և իր ընկերների պոնությունը իզուր չի անցել, քանի որ այն պահից, ինչ նա նշանակվել է այդ պաշտոնում, թշնամին առաջ չի շարժվել ոչ մի վերշուկ։ Չնայած իր բարձր անձնազոհությանը ոչ մի գնդակ նրան չի կպել, իսկ ամենակարող Աստծու կամքովն է ևղել, որպեսզի պատահական նռնակը պատահոտ դառնա նրա մահվան, և զիշերվա ժամը 22-ին լույս 23-ին նա զոհվեց»¹³։

Այնուհետև ծովակալ Նախիմովը նկարագրում է, թե որքան վիշտ է պատճառել Մ. Սերբերյակովի մահը բոլոր սևաստոպոլցիներին, մանավանդ նավաստիներին, և որ ինքն անձամբ ականատես է եղել հարյուրավոր մարդկանց անկողծ արցունքներին, իբր այդ հերոս կապիտանին հողին էին հանձնում Ուշակովայա Բալկայում։ «Հաղորդելով Ձեզ այդ բոթը, — գրում է Նախիմովը՝ Է. Սերբերյակովին, — ես խնդրում եմ հավատալ, որ Ձեզ հետ միասին, մենք, նրա ընկերները բաժանում ենք Ձեր ապրումները։ Հիանալի սպա, հոգու հազմապայուս արժանիքներով օժտված մարդ, նա եղել է մեր շրջապատի զարդն ու հպարտությունը, և նրա մահը մենք հիշելու ենք, որպես դառը կորուստ՝ անհրաժեշտ Սևաստոպոլի փրկության համար»¹⁴։

Նամակի վերջում Նախիմովը խնդրում է Սերբերյակովին թեկուզ և անուղղակի ճանապարհով իրեն տեղյակ պահել, թե ինչով կարող է գեթ շնչին չափով օգտակար լինել նրա (կապիտան Սերբերյակովի) դժբախտ այրուն և

¹² Նույն տեղում։

¹³ Նույն տեղում։

¹⁴ Նույն տեղում։

ընտանիքին, և վստահություն է հայտնում, որ բարձրագույն հրամանատարությունը երբեք չի մերժի իր միջնորդությունը հանուն Սևաստոպոլի ամենաազնիվ և ամենաարժանավոր պաշտպաններից մեկի ընտանիքին հարկ եղած օգնությունը ցույց տալու համար:

Իսակովի ջանքերով պատմական ճշմարտությունը, թեև շատ մեծ դժվարությամբ, ուղի է հարթել: Երբ արդեն կենտրոնացվել էր անհրաժեշտ քանակությամբ փաստացի նյութ, Իսակովը ձեռնարկում է մի շարք կոնկրետ միջոցառումներ, որպեսզի ըստ արժանվույն հավերժացնի Սերբերյակովի հիշատակը: Ամենից առաջ նա մտադիր էր լուրջ մենագրություն գրել Սերբերյակովի մասին, որի համար արդեն ստեղծել էր աղբյուրագիտական լուրջ բազա: Իր նամակներից մեկում՝ հասցեագրված գնդապետ Ալիխովին, Իսակովը գրում է, որ ծերդվում եմ, որ Սերբերյակովը քիչ ռեակցիոներ է քան լադրեր, Կորնիլովը, իսկ որոշ դեպքերում կարողանում էր նայել ավելի առաջ, քան ընդհանրապես¹⁵: Նա ցավով նշում է, որ իր վիճակը մի տեսակ անբարենպաստ է, քանի որ թես ինքս հայ եմ և անազնիվ մարդիկ վեճը կարող են փոխադրել ուրիշ (ոչ ազնիվ) ուղղությամբ: Ունեմ տխուր փորձ... Այդ իհարկե կվնասի ոչ թե ինձ, այլ Սերբերյակովի հիշատակին¹⁶:

Իսակովի միջնորդությամբ, սովետական նավատորմի ղեկավարության ջանքերով Սերբերյակովի աճյունը Կարասու-Բազարից փոխադրվում է Հյուսիսային կողմը, Սևաստոպոլի պատմական գերեզմանատունը, ուր թաղված էր ծովակալի որդին՝ կապիտան Մարկ Սերբերյակովը: Այդտեղ էլ կանգնեցվում է համեստ հուշարձան և այդ բոլորը կատարվում է պատշաճ կանոններով՝ Սովետական բանակում ու նավատորմում ընդունված կարգով:

Այսպիսով, շնորհիվ Ի. Ս. Իսակովի ջանքերի, հիմնականում վերականգնվում է պատմական ճշմարտությունը՝ Լ. Մ. Սերբերյակովի մասին: Այդ ճշմարտությունն այն է, որ Սերբերյակովը ռուսական նավատորմում անցել է փայլուն մարտական ուղի՝ շարքային նավաստուց հասնելով մինչև ծովուկալի աստիճանը: Սերբերյակովը փաստորեն նվիրոսիյա՝ քաղաքի հիմնողներն է: Նա մեծ ծառայություններ ունի Սև ծովի արևելյան ափերում և ընդհանրապես Կովկասում Ռուսաստանի դիրքերի ամրապնդման և Թուրքիայի տիրապետության կամ ազդեցության լիկվիդացման գործում: Սերբերյակովը եղել է հմուտ և քաջ ծովային, շրջահայաց գործիչ և ժամանակի բաղձնավորմանիրոբն զարգացած անձնավորություններից մեկը:

Սովետական Միության նավատորմի ծովակալ և խոշոր գիտնական Իսակովի ջանքերը՝ վեր հանելու պատմական ճշմարտությունն Սերբերյակովի մասին, միաժամանակ ցույց են տալիս, հենց իրեն՝ Իսակովի կերպարը որպես մարդու, քաղաքացու և անխոնջ հետազոտողի:

АДМИРАЛ СЕРЕБРЯКОВ В ОЦЕНКЕ И. С. ИСАКОВА

А. О. АРУТЮНЯН

Резюме

Выдающийся полководец и ученый Адмирал Флота Советского Союза И. С. Исаков известен своими многочисленными исследованиями в

¹⁵ Նույն տեղում:

¹⁶ Նույն տեղում:

области истории русского военно-морского флота. Немало труда он вложил также в исследование личности и заслуг адмирала Лазаря Маркозича Серебрякова. Об этом свидетельствует его многочисленная переписка с полковником А. Лиховым, собранные архивные документы и отдельные черновые наброски о жизни Л. М. Серебрякова.

И. С. Исаков намерен был написать монографию об адмирале Серебрякове, однако тяжелая болезнь и наступившая смерть не позволила завершить задуманное.

Большой интерес представляют для нас материалы, собранные И. С. Исаковым о Серебрякове. На основе этих и других материалов удалось восстановить биографию Серебрякова, проследить всю его служебную деятельность и, пользуясь заметками самого И. С. Исакова, дать краткую характеристику роли и места Л. М. Серебрякова в борьбе за укрепление позиций России на Кавказе, в частности, восточного побережья Черного моря, в основании города и порта Новороссийска и в организации Управления Черноморского побережья в середине XIX в.

Исследование жизни и деятельности Л. М. Серебрякова и методологические подходы И. С. Исакова при оценке личности Л. М. Серебрякова безусловно имеют научное и познавательное значение.